

武備志

貳百十九之貳百廿貳

ケ 5
61
75



々々



武備志卷二百一十九

防風茅元儀輯

占度載

度大

江防

茅子曰疆場之大要有二曰邊曰海曰江邊與海皆與寇為鄰江則似稍緩焉然迫海而巨中區外瀆則為門戶內江則為腹心故江之要與邊海均太湖者近江而數盜故我既詳圖其形勢採其論

武備志卷二百一十九 占度載 度 江防



說詳其信地而附以湖防圖論焉若搖鐘苗黎與
我雜處癘疥之疾不可並言也

江防圖

江防論

沿江信地



太湖圖

太湖防論


江防圖



江防圖




武備志卷三十九 占度載 度 江防





武備志卷之二十一 占度載 度 江防

日



正毛湖洲在洋鎮沙灣角
帶洲道總橫在甚多乃議
出沒之所入利字噴噴其
并安慶兵船防守






安慶管信地南岸上
自馬當起至池口止
計二百九十里北岸
自史家溝起老洲頭
止計三百六十里俱
屬安慶管所轄

觀音港舊
有巡司今
裁革

古蹟載 度 江防





長楓夾三江口一帶洲渚亦多盜賊出沒不常今派員守哨官兵船并安慶衛下巡衛官兵船協同巡守






武備志卷三百九 占度載 度 江防一




占度載 度 江防一


武備志卷之二十一 占度載 度 江防一





武備志卷之二十一



古雙鏡 度 江坊





備志卷之九





正處江關水急難利山中時而
盜賊每由江止徐有洲隱避
蘇州龍嘴頭來劫財之後隨
往江潛遁今派兵節巡

占度載 度 江防



武備志卷三百一十九 占度載 度 江防




武備志卷三十一 江防

武備志卷三十一


古度載 度 江防


十七




武備志卷三十一

十七





占度載



黃天湯此處江形獨闊兩岸相去四十里太子洲居江中其間地形甚廣濶及甚雜村落甚多木石盜多出此此近江邊深澤廣闊宜設防

談家墩


龍潭港

朱輝港


青山港

斬龍廟



白毛墩



占度載 度 江防



正德... 卷三... 九



代前志卷一百一十六 占度載 度 江防一



江防論

唐順之曰海賊入江由江南岸登陸之路處角嘴
 營前沙南北相對海岸約闊一百四五十里為第
 一重門戶狼山福山相對江面闊一百二十里為
 第二重門戶周家橋與山相對周家橋北岸至順
 江洲與江南分界江面約闊六七里順江洲至新
 洲夾江面約闊七八里新洲夾至山南岸江面約
 闊十四五里為第三重門戶三處領水兵官須整
 備船艦晝夜緊守三門勤勤會哨以防春汛門戶

此論最
 詳確不
 可不一
 復

既固堂與自安若二門稍有疎虞至不得已而守
金焦南岸斯爲下策與無策矣

鄭若曾江防論上曰謹按長江下流乃海舶入寇
之門戶也遡江深入則留都孝陵爲之震動所係
豈小小哉故備禦江之下流乃所以保留都護陵
寢至要至切之務也向來夾江南北分兵戍守遊
兵船往來巡哨於其間江防不可謂不密矣然而
寇不聞息者豈無說哉良由撫操巡江官聯之義
不明故耳何也我朝大江南北各設巡撫留都專

設操江巡江所救信地雖殊而四院事體則相關
而不可分也今操巡專管江中之寇寇若登陸則
讓曰此巡撫之事也巡撫專管岸上之寇寇若入
江則讓曰此操巡之事也一江南北胡越頓分同
握兵符爾我相遜何惑乎江寇之弗除也哉如愚
見莫若先正官聯官聯者聯屬四人爲一利害休
戚異形而句心戰守賞罰會謀而齊舉如江寇而
登陸也操巡督發江船進內港以協捕之陸寇而
入江也巡撫督發哨船出外江以策應之庶乎寇

計窮而無所容江中其永清矣江患息則留都陵
寢萬億年鞏固而不搖江防之策孰先於此
鄭若曾江防論中曰海船入江必由崇明南北二
路縣後搨擔二沙在縣之北易於膠淺凡舟之輕
小者由此而行竹箔宋信嘴在縣之南其水深窪
凡舟之重大者由此而行二路堵截更無入江之
路矣崇明者大生此沙以鎖江之水口江防第一
關鍵實在是也過此以西方論營前靖江金焦此
設險之大者也向之建議者設將官結水寨分中

乎江之兩岸而海口入江之處止以崇明官兵禦
乏遊兵都司應援之愚以為非計也海口兵力孰
與江中諸寨之多分戡江中孰與并力禦外之易
似宜立為規制賊尚在海之時江南江北兵船分
番互出常以一半至海口協守崇明南北二路舟
衆力齊則賊必不能入江矣此守江之上也舍此
不務容賊入江江中之師躲散力分欲望其能勝
敵得乎雖然擒江賊亦無難所患者我兵自分彼
已不若敵膽之合耳若賊過營前沙而營前之

江南江北火速出援左右翼擊不坐視乎營前之
兵之受敵也過靖江亦如之過金焦亦如之賊進
不得前退無所遁我兵有增而無限賊舟有限而
無增勝負不亦較然矣乎愚故曰二提督與操巡
必四人同心而後可濟也

鄭若曾江防論下曰今之論江防者孰不曰營前
沙者大江之第一關鍵也靖江江陰其第二也瓜
儀京口其第三也守此三者則海寇不能飛越而
窺留都以憑觀之殆不然何也京口雖係江南諸

千古高識

郡咽喉然從古寇犯金陵未有由此而進者以沿
江南岸疊嶂如屏而潤州秣陵之間夾岡險峻無
港可達故也若從通泰登陸循江北內地而行屯
兵六合分師渡蕪湖采石走太平而北豈非地勢
之至要至要者歟故保留都須嚴江防嚴江防須
重江北賊計狡猾常避實而擊虛不可但以江中
之關鍵為恃而為賊所詭也

王鳴鶴曰長江萬里上通川湖下盡海壖環遶南
畿帶映陵寢故置鎮設兵東西錯峙聲援易達勢

若珠連規畫盡善無容議矣今自留都以下江防最急者言之查鎮江京口與瓜儀相對實七省漕運咽喉較之他處尤為重地近因盜賊生發當事者議於永生洲設兵防守又以江上洲田供給新集沙兵最為得策雖充國湟中之屯不是過矣但舊設二江圖山各去永生洲不三四十里官兵肯互相接應盜何得逞緣兵中多盜賊家屬官少舉動倍察先覺故會哨與不會同也今永生洲新設果能合二營之力厚養間諜不使輕泄出必速戰

必果獲有真盜不使賄脫計免又不為勢家所囑而縱之雖江海廣闊盜賊衆多豈皆不畏死之人哉若泄機有人請托有路救死有術雖星守把而洲叅遊恐於江防亦無所補益也

武備志卷一百一十九

武備志卷二百二十

防風茅元儀輯

占度載

度

江防二

信地一

南湖嘴守備信地

南岸上自城子鎮起下至馬當止計二百九十里
五里北岸上自湖廣龍坪起下至沙灣角止計

武備志卷二百二十 占度載 度 江防二

二百四十里木小黃鷹等戰哨船共四十八隻
衛縣巡捕巡江官軍民兵共五百三十餘員名
上哨至德化縣城子鎮止下與安慶守備官兵
會哨

安慶守備信地

南岸上自馬當起下至池口止二百九十里北
岸上自史家溝起下至老洲頭止三百六十里
樓巡梭等船四十一隻官兵五百餘員名分四
哨上與南湖嘴守備官兵會哨下與荻港把總

官兵會哨

荻港把總信地

南岸上自池口起下至東梁山止計二百五十五
里北岸上自老洲頭起下至西梁山止計二百
里樓巡檣梭等戰船三十六隻官兵五百二十
八員名分四哨上與安慶守備官兵會哨下與
遊兵管把總官兵會哨

遊兵把總信地

南岸上自東梁山起下至高資止計二百四十

里北岸上自西梁山起下至黃天蕩止計四百四十里樓巡沙鐵槳梭等戰船九十四隻官兵一千三百餘員名分十哨各派信地上與敦港管把總官兵會哨下與儀真守備岡山把總官兵會哨

儀真守備信地

北岸上自黃天蕩起下至瓜洲止計一百四十二里樓巡草撇梭等戰船二十七隻官兵四百五十五員名上與遊兵營把總官兵會哨下與三

江口把總官兵會哨

瓜洲衛總指揮信地

北岸上自花園港起下至深港止計二十里樓巡草撇梭等戰船三十六隻官兵五百八十餘員名上與儀真管官兵會哨下與三江口管官兵會哨

三江口把總信地

北岸上自瓜州起下至廟港止計一百四十二里樓巡福槳梭等戰船四十四隻官兵七百五員

名上與儀真守備官兵會哨下與周家橋把總官兵會哨

圖山把總信地

南岸上自高資港起下至包港止計二百五十里樓福沙撒鐵漿梭等戰船四十一隻官兵七百四十餘員名上與遊兵營把總官兵會哨下與孟河把截指揮官兵會哨

以上八營信地共計一千五百餘里大小戰船二百七十餘隻官兵五千三百三十餘員名

應天府屬信地

上元縣巡捕官主簿下淳化鎮巡檢一員弓兵三十二名該司設居陸路原無船隻舊規俱係新江口管官兵出江巡哨與本縣無干該鎮雖不濱江實南畿喉襟之地上抵京城高橋門二十里下至句容縣七橋舖二十里今議將該司弓兵三十二名分作三班旬一輪替居則為列屯之兵出則為巡哨之兵每哨上至高橋門而止下至土橋與句容縣義民會哨仍聽巡捕官

調度

江寧縣巡捕官主簿下江寧馬驛巡捕驛丞一員弓兵三十名哨船一隻信地上至圭山四十里下至黃溝口二十里今議將該驛弓兵分作三班一班居守一班水哨一班陸哨水哨上至圭山四十里與和尚港暗伏官軍會哨下至黃溝口二十里與大勝關弓兵會哨外陸哨之信地則上至當塗縣界葛岡舖三十里為止下至金家墳十里為止仍聽巡捕官調度

句容縣巡捕縣丞下龍潭巡檢司巡檢一員協守義民一名弓兵四十名協官民壯二十名哨船二隻信地上自羅家套接黃天蕩至瓜埠巡檢司二十里下至老鸛嘴至青山三江口二十里斜溝把守義民一名民壯二十名巡船原無打造每會哨民壯旋雇民船信地上至儀真舊江口三十五里下至高資鎮巡檢司四十里該縣開稱龍潭鎮巡檢司地方係該司協同義民在彼把守上自羅家套接黃天蕩至瓜埠巡檢

司下至老鸛嘴至儀真衛把截地方青山三江口計程俱二十里兵壯輪撥往來會哨斜溝地方係義民把守至儀真舊江口二十五里下至高資鎮巡檢司四十里彼處原無巡船只有民壯四十名每遇會哨雇民船出江勘得京師去甸容九十里甸容抵龍潭抵斜溝俱七十里長江一帶洲渚限隔唯斜溝龍潭二處船隻由出入故黃天蕩爲賊淵藪而龍潭斜溝則津要地也故二處兵防視諸處尤當加意今查龍潭

巡司哨兵民壯共六十名又有義民與巡檢把守又有巡船出哨其官兵不必添多其船隻不必添造矣但恐義民巡檢互相推諉或致慢事今議上半月係巡檢居守義民官率民兵哨江下半月係義民官居守巡檢率弓兵哨江巡檢義民更迭出入屯兵互爲犄角但有慢事罪坐所由則不敢推諉矣及查斜溝地方有民壯四十名亦令義民官輪作一班一班屯列一班巡哨亦可足用但稱巡哨無船臨時旋雇似乎不

可切緣民船蓬桅之類恐不利便又雇船方行
恐緩不及事合無行令該縣查將無礙官銀造
船二隻給與巡哨該縣巡捕縣丞仍令時常往
來調度其間則信地明而兵紀肅矣

溧陽縣巡捕縣丞下上興埠巡檢司巡檢一員
弓兵二十四名該司設居陸路原無巡船信地
西至溧水縣分界山十五里東抵縣六十里本
縣額編守城民壯二百名續添設巡哨官五員
民壯四十名分撥巡哨縣屬險要地方向係巡

捕官調度勘得溧陽地方雖濱大江然去金壇
宜興俱不百里金壇去鎮江不遠宜興去蘇松
不遠江賊海寇俱宜預防先年添編民壯添設
義民蓋爲此也但恐前項把守義民民壯或有
虛名應役及別項役占者須令巡捕縣丞時常
查點庶得實用

溧水縣巡捕縣丞下民壯四十名該縣設居陸
路原無巡船信地至柘塘舖四十里至溧陽縣
上興埠巡檢司六十里至孔鎮舖六十里至上

店舖三十里該縣止有額編民壯防護城池看守倉庫外仍有輪撥民壯分委義民督率至柘塘舖四十里至溧陽縣屬上興埠巡檢司六十里至孔鎮六十里至上店舖三十里各巡邏地方緝捕盜賊似亦嚴密合仍行巡捕縣丞時常查點毋致疎曠

高淳縣巡捕縣丞下廣通鎮巡檢司巡檢一員弓兵三十名哨船原無設造信地自縣陸路至孔鎮舖六十里自縣陸路至廣通鎮六十里自

廣通鎮河道上至木陽五十里宣州界至建平縣定埠鎮六十里該縣地方不邊江洋止有廣通鎮東壩河道由溧陽宜興常州無錫連接蘇松經行往來客商船隻本鎮原設巡檢司巡檢一員弓兵三十名住被盤詰防守其縣境陸路本縣分委義民輪撥民壯分投巡緝外但東壩河道亦係要路恐本司官兵慢事今議添委義民一名并添撥民壯十名前去本鎮協同防守往來上下巡緝仍聽巡捕縣丞督察調度其縣

境陸路巡捕縣丞照舊督率民壯緝捕
江浦縣巡捕官典史下本縣信地除江面係府
屬江淮巡檢司管理其縣治及陸路村落係該
縣巡捕官管理原無設有江防巡哨船隻官兵
無從分管查縣治江面見係府屬江淮巡司
管理該司額有巡哨船隻每日晝夜在江巡邏
該縣原無城池居民零落江淮巡檢司雖設在
彼實係府屬與縣無干但其逼近大江盜賊出
沒不可無先事之慮今議該縣地方江面一帶

係江淮巡檢司信地合縣陸路村分係該縣巡
捕官信地其縣治地方巡檢巡捕官協同防守
互相調度

六合縣巡捕官典史下瓜埠巡檢司巡檢一員
弓兵四十五人協守老人一名民壯三十五名
巡船一隻信地江面上至唐家渡二十里下至
西溝二十里本縣設居江北東南通江陸路至
瓜埠巡檢司二十五里額設巡檢一員弓兵四
十五名并本縣添設把守老人一名督率民壯

三十五名各駕巡船在於所轄江洋信地上至唐家渡二十里與南京觀音港新江口暗伏官軍接哨下至西溝二十里與句容縣龍潭巡檢司官軍接哨其巡捕典史督率民壯三十五名在於本縣看守倉庫獄囚及縣境四門陸路巡邏緝捕盜賊該司所轄江面俱係險要信地設有弓兵民壯八十名巡檢老人協同哨守似亦有備兵不必添矣但恐巡檢老人及兵壯互相推悞今議將兵壯八十名輪為三十名一班為

列屯之兵又五十名分為二班每班二十五名駕巡船一隻上半月巡檢居守老人督率兵船出江接哨下半月老人居守巡檢督率兵船出江接哨更迭出入互為犄角俱聽典史調度其縣境陸路仍行巡捕典史照舊督兵巡邏江東巡檢司巡檢下弓兵三十名哨船一隻信地上至响水溝十五里下至草鞋夾十里該管江面信地北岸一帶以江心為界俱屬江淮巡檢司管轄南岸一帶本司該管巡檢督率弓兵

武備志卷三十一
駕使巡船出江巡邏上至响水溝十五里與大
勝關弓兵并上新河暗伏官軍交哨下至草鞋
夾十里與下江暗伏官軍交哨中江左右河口
原設新江口營巡哨官軍船隻駐劄防守該司
設居近江所管信地窄狹又有暗伏官軍交相
巡守頗爲嚴密相應行令巡檢照舊督兵駕船
上下往來巡邏

江淮巡檢司巡檢下弓兵四十名哨船二隻信
地上至和州所屬浮沙口巡檢司下至六合縣

所屬瓜埠巡檢司該司去浮沙口及瓜埠俱百
里而遙其間穴子河王家套八字溝甚是險要
議將弓兵分作二班每班二十名哨船二隻每
船十名犄角而出併力勦捕則江盜可清而往
來稱便矣

秣陵鎮巡檢司巡檢下弓兵三十二名哨船設
居陸路原無船隻信地上至河定橋四十里下
至烏鵲橋三十里該司原係府屬所轄信地俱
係陸路不近汪洋弓兵三十二名在司巡緝但

本司地方亦係要路各該弓兵雖在巡緝原無定體今議將見在弓兵三十二名輪作一班一班存司盤詰防守一班出境巡哨更相出入太平府屬軍衛信地

本府巡捕經歷總統巡邏哨官下民壯二十名哨船三隻上自四合山太信巡檢司下至牛渚磯采石巡檢司計四十里與縣哨官接哨當塗縣巡捕縣丞哨官下民壯二十八名巡船一隻哨船二隻上自四合山稀泥港下至和尚

港鏢刀灣計八十五里與該港守把委官接哨大信巡檢司巡檢下弓兵三十四名哨船四隻上自稀泥港下至青草溝計四十里與府哨委官并采石巡司官兵接哨

采石巡檢司巡檢下弓兵三十四名哨船四隻上至青草溝下至人頭磯計二十五里與哨官二員接應會哨

守把和尚港委官下民壯三十六名哨船二隻上自人頭磯下至鏢刀灣二十里上與采石巡

司下與對江浮沙巡司各會哨
 蕪湖縣巡捕官縣丞下民壯五十名巡船四隻
 哨船二隻上自河口巡司下至因合山稀泥港
 計四十里與當塗縣大信巡司官兵接界會哨
 河口鎮巡檢司巡檢下弓兵三十四名巡船一
 隻哨船二隻上自繁昌縣螃蟹磯下至本鎮與
 縣巡捕官兵會哨巡檢帶管楊夾沙守把民壯
 一十五名哨船一隻上自本沙下至河口巡司
 與三山巡司官兵接應會哨

繁昌縣巡捕委官下民壯二十六名巡船一隻
 哨船二隻駐劄地名宗三廟係荻港三山二司
 官兵接界適中_二最為要害之地專令本官帶領
 民壯船隻嚴加調度若遇上下有警隨即協力
 應援_三

荻港巡檢司巡檢下弓兵三十五名巡船一隻
 哨船二隻上自胭脂夾與銅陵縣官兵接應下
 至宗三廟與三山巡司官兵接應計四十里該
 鎮江面廣闊添設民兵十名哨船一隻本官帶

管督率防守

三山巡檢司巡檢下弓兵三十四名巡船一隻
哨船二隻上自宗三廟與荻港巡司接應下至
蕪湖縣河口司與該司官兵接應計四十里往
來會哨巡邏

建陽衛指揮一員總管巡江分爲上下二哨上
哨千戶一員巡軍七十五名沙哨船共三隻
上自繁昌縣荻港司起至蕪湖縣河口司止計
一百里上與銅陵縣下與下哨千戶接哨下哨

千戶巡軍七十五名沙哨船共二隻上自河
口司起至當塗縣和尚港止計一百里上與上
哨千戶并蕪湖縣官兵下與和尚港守把官兵
接哨

以上府衛縣并巡司把截官兵仍各與遊兵部
下哨捕者兵相兼巡緝

和州信地

巡捕同知總巡八槳船一隻上至新溝口起下
至穴字河正一百一十里督率上哨陰陽官一

員巡哨民壯二十四名巡哨船二隻上至新溝口起下至新河口止六十里又民壯十名哨船一隻守把姥下河口下哨陰陽官一員巡哨民壯二十四名巡哨船二隻上至新河口起下至穴字河止五十里又民壯十名哨船一隻守把芝蔴河口

裕溪河鎮巡檢司巡檢下弓兵三十二名巡哨船二隻上至新溝口起下至張家溝止十里與奧龍牛屯二巡司官兵接哨

牛屯河巡檢司巡檢下弓兵四十六名巡哨船二隻上至張家溝起下至新河口止五十里與裕溪浮沙大信二巡司官兵接哨

浮沙口巡檢司巡檢下弓兵四十六名巡哨船二隻上至新河口起下至穴字河止五十里與牛屯江淮二司及和尚港暗伏各官兵接哨以上官兵仍與遊兵部下官哨者捕兵船相兼巡緝

池州府屬信地

武備志卷三十三 占度載 度江防三

本府上哨船一隻民壯二十名又貴池縣哨船
一隻民壯十五名自池口起巡至懷寧縣一百
二十里每季撥府首領或李陽河巡檢督之下
哨船一隻民壯二十名又貴池縣哨船一隻民
壯十五名自池口起巡至銅陵縣一百二十里
每季撥貴池縣巡捕官或池口巡檢督之
東流縣典史下民壯二十名哨船二隻部哨上
至香口巡檢司四十里與望江縣會哨下至鴈
汊九十里與懷寧縣會哨

銅陵縣主簿下民壯二十名哨船二隻部哨上
至橫港二十里與大通巡司兵船接哨下至新
溝十五里與老鸛嘴把隘官兵接哨

香口巡檢司巡檢下弓兵十九名哨船二隻上
巡至响水磯二十里與馬當巡司兵船接哨下
巡至稠林磯三十里與吉陽巡司兵船接哨
吉陽巡檢司巡檢下弓兵十九名哨船二隻上
巡至稠林磯三十里與香口巡司兵船接哨下
巡至鴈汊六十里與李陽巡司兵船接哨

李陽巡檢司巡檢下弓兵二十名哨船二隻上
巡至鴈汊六十里與吉陽巡司兵船接哨下巡
至烏沙夾二十里與池口巡司兵船接哨
池口巡檢司巡檢下弓兵二十名哨船二隻上
巡至烏沙夾四十里與李陽巡司兵船接哨下
巡至五埠溝六十里與大通巡司兵船接哨
大通巡檢司巡檢下弓兵二十名哨船二隻上
巡至五埠溝二十里與池口巡司兵船接哨下
巡至橫港二十里與銅陵縣兵船接哨

險隘老鸛嘴設義民一名下民壯二十名哨船
二隻部哨上至新溝十里與銅陵縣兵船接哨
下至濫泥灘與錢家灣官兵接哨

錢家灣設義民一名下民壯二十名哨船二隻
部哨上至濫泥灘五里與老鸛嘴官兵接哨下
至王家溝十里與張家灣汛官兵接哨

張家灣潭設義民一名下民壯二十名哨船二
隻部哨上至王家溝五里與錢家灣官兵接哨
下至胭脂夾十里與荻港巡司兵船接哨銅陵

縣仍每處添撥民壯二名協守但有警息俱聽
該縣巡捕官調度

以上官兵船隻仍與安慶守備荻港把總各部
下官兵耆把守兵船相兼巡緝

廬州府屬信地

無為州該管江面上自桐城縣六百丈巡司起
下至和州裕溪河巡司止共計江面二百三十
里

自二百丈起至省潭灣止八十里內有揚山磯

石灰河三江口險要俱土橋司巡檢帶領弓兵
哨船二隻分為兩班巡邏上與六百丈下與泥
汊各巡司官兵會哨

自省潭灣起至薛家灣止七十里泥汊巡檢司
官帶領弓兵哨船二隻分為兩班巡邏上與土
橋下與真龍各巡司官兵會哨

自薛家灣起至裕溪巡司止七十五里與龍司
巡檢帶領弓兵哨船二隻分為兩班巡邏上與
泥汊下與裕溪各巡司官兵會哨

黃落河司巡檢帶領民壯四十名哨船四隻
分爲兩班在於該管江面總巡上至六百丈下
至裕溪河
以上巡司官兵仍各與荻港及安慶守備部下
各着兵軍勇船隻相兼巡緝

揚州府屬信地

上自儀真縣東溝起至青山白茅墩止江面四
十五里把截義官一員領民壯四十名屯守上
與瓜埠巡司下與青山巡江官南與龍潭巡司

各會哨自青山起至羅漢州止江面八十里中
間青山爲黃天蕩最要已該儀真守備部下官
兵分布防守舊江口又爲儀真縣喉舌重地該
儀真衛巡江指揮統領百戶一員鎮撫一員軍
舍二百名巡船十四隻分爲四班每半月一換
輪流巡邏上與東溝把截官下與舊江口巡檢
司各會哨

自下江口起至窰港止江面四十里該舊江口
巡檢領弓兵五十二名巡船三隻上與下江口

官兵下與密港義官各會哨
自密港起至何家港止該儀真縣義官一員領
遊兵三十名屯守上與舊江口巡司下與何家
港各官兵會哨

自羅漢州起至舊江口止江面八里該花園港
把截百戶一員領軍舍四十名民壯三十名驍
勇烏銃手十名巡船一隻上與儀真衛縣巡司
下與瓜洲鎮巡江千戶各接哨
自舊江口起至蔣八港江面十里該千戶一員

領軍舍四十名巡船一隻上與把截百戶下與
巡江千戶各接哨
自蔣八港至深港止江面十里該巡江百戶一
員領軍舍四十名巡船一隻該港僅通鎮城通
接孟河海口等處為東南險要之最合添民壯
二十五名與本官統領上與瓜洲鎮千戶下與
萬壽巡司各官兵接哨俱為屯列瓜洲鎮巡檢
領弓兵五十二名巡船二隻以為應援餘有兵
勇壯夫脚兵存留防守瓜洲城池其操江民壯

武備志卷之百一 占度載 度 江防

一百二十名巡船六隻召募民船六隻分爲三班駐劄本鎮大南門外江口聽瓜洲江防官不時調遣上下哨緝スルヲ自深港起至穿心港止江面六十里該萬壽巡檢領弓兵五十名上與巡江百戶下與歸仁巡司及三江會口各營官兵接哨
三江會口上至瓜洲鎮下至廟港止共計江面一百五十里乃瓜儀險要之最地已該把總官部下官兵分布防守自穿心港起至急水港止

江面三十里該歸仁巡檢領弓兵五十名上與萬壽巡司下與口岸巡司各會哨
自急水港起至李家港止江面三十里該口岸巡檢領弓兵二十名上與歸仁巡司下與印莊巡司各會哨
以上各文武官兵船隻查照該管信地務要同心戮力相兼哨緝ヒシヲ
鎮江府屬軍衛信地
鎮江衛江操指揮部下千戶一員百戶二員巡

江防二

船四隻督令巡江軍餘防守金山東哨至丹徒
 港二十里西哨至高資巡檢司五十里北哨至
 瓜洲二十里各互相會哨百戶一員統領江操
 軍餘在於金山西馬頭陸路把截俱江操指揮
 不時出江查點哨禦本府委千戶一員統領隊
 兵二十五名自東馬頭下至丹徒鎮十五里與
 巡檢會哨上至西馬頭十里與千戶會哨千戶
 一員統領隊兵二十五名自西馬頭上至高資
 巡檢司四十里與巡檢會哨下至東馬頭十里

與千戶會哨

丹徒鎮巡檢司巡檢雇船統領弓兵十五名上
 至焦山十五里與府委千戶會哨下至孩溪橋
 十五里與姜家嘴巡司會哨
 高資下巡檢司巡檢雇船統領弓兵十五名上
 至斜溝口三十里與把截義民會哨下至西馬
 頭四十里與鎮江衛巡江官軍并府縣操江把
 截壯快會哨
 安港巡檢司巡檢雇船統領弓兵十五名上至

姜家嘴巡司二十里下至包港巡司二十里接哨

姜家嘴巡檢司巡檢雇船統領弓兵十五名上至孩溪橋十五里與丹徒巡司接哨下至順江洲一號港與安港巡司接哨

以上府衛巡司官兵仍各與圖山把總部下者捕兵船相兼巡緝

安慶府衛信地

本府沿江上下二水哨原額哨船四隻民壯八

十八名分爲二班上巡至小孤巡司止計二百三十里下巡至池州府池口巡司止計一百二十里俱該本府巡捕同知總統巡緝

懷寧縣巡捕縣丞帶民壯二十名駕哨船二隻上巡至雷港巡司地名洲頭口與該司官兵接哨

觀音港巡檢帶弓兵四十四名駕哨船二隻亦上巡至雷港巡司洲頭口與該司官兵接哨下巡至長楓夾地名竺家嘴與該司官兵接哨

長楓夾巡檢駕哨船二隻帶弓兵四十四名上
巡至觀音港巡司地名黃泥溝與該司官兵接
哨下巡至馬踏石柘家灣止與該司官兵接哨
桐城縣巡捕縣丞每月輪撥精壯二十名跟隨
哨官駕哨船一隻督領馬踏石巡檢駕哨船二
隻帶弓兵四十三名自柘家灣起上巡至長楓
夾巡司接界下巡至馬船溝止源子港巡司接
界江面六十里該司與長楓夾觀音港合為一
哨跟隨本府巡哨官兵上至懷寧縣下至賈池

縣討印掛號

源子港巡檢帶弓兵四十六名駕哨船二隻自
馬船溝起下巡至老洲灣江面六十里與六百
丈巡司及池口大通二巡司合為一哨隨桐城
縣哨官并對江貴池縣巡捕官上巡至貴池縣
下巡至銅陵縣討印掛號

六百丈巡檢帶弓兵四十三名駕哨船二隻上
自老洲灣起下巡至石灰河止對江銅陵縣江
面五十里與源子港巡檢及池口大通二巡司

官兵合爲一哨亦隨哨官與對江貴池縣巡捕
官上巡至貴池縣下巡至銅陵縣討印掛號
老洲頭守把哨官民壯二十名望江縣巡捕主
簿帶民壯二十名駕哨船二隻上巡至揚灣司
地名朱福溝毛湖洲相接九江府彭澤縣巡捕
官兵會哨下巡至雷港司新口鎮相接懷寧縣
并對江東流縣接哨

揚灣口巡檢帶弓兵三十三名駕哨船二隻上
巡至朱福溝毛湖洲相接小孤巡司會哨下至

黃家墩相接雷港巡司會哨

雷港巡檢帶弓兵二十五名駕哨船二隻上巡
至黃家墩相接揚灣司官兵會哨下巡至新口
鎮相接觀音港官兵會哨

宿松縣巡捕典史每月輪撥民壯二十名跟隨
陰陽官駕哨船一隻於小孤江洋任守上巡至
湖口縣下巡至望江縣一百二十里往來接哨
小孤巡司帶弓兵五十名分爲二班駕哨船一
隻自本司江面起上至涇江司楊家洲二十里

下至毛湖洲一十五里
涇江巡檢帶弓兵二十二名駕哨船一隻自本
司起上至九江土嘴四十里接哨下至小孤六
十里接哨

歸林巡司帶弓兵二十八名分為二班駕哨船
一隻每月一換自本司起上巡至湖口縣二十
里下巡至涇江巡司六十里接哨

安慶衛上江總巡指揮一員帶軍舍五十名駕
沙漿船共二隻自懷寧縣觀音港巡司起上巡

至小孤巡司止計二百二十里千戶一員軍舍
三十名駕哨船二隻百戶一員軍舍三十名駕
哨漿船二隻俱自觀音港巡司起上巡至小孤
巡司止共計二百三十里

下江總巡指揮一員軍舍五十名駕哨漿船二
隻自觀音港巡司起下巡至大通巡司止共計
一百里千戶一員軍舍三十名駕漿船一隻百
戶一員軍餘三十名駕漿船一隻俱自觀音港
巡司起下巡至大通巡司止共計一百里

武備志卷二百五十二

武備志卷二百五十二 官軍 防風茅元儀輯

古度載

度

江防 三

信地 二

蘇松常鎮兵備道分布防汛信地

一圖山兀處江邊係干要地北與周家橋相對
乃鎮江之咽喉留都之門戶也把總部下兵船

武備志卷之三
分爲三枝前哨百戶一員統領福鐵漿船七隻
捕兵九十二名爲正兵泊守安港口仍哨至黃
山門與孟河兵船互爲策應中哨千戶一枝統
領福鐵漿船七隻捕兵九十二名爲應兵泊守
圖山洪口仍哨至安港與江北周家橋兵船互
爲策應後哨千戶一枝統領沙船八隻者兵九
十九名仍哨上至瓜儀下至江陰楊舍等處往
來遊哨右警與江北三江會口及遊兵把總下
兵船互爲策應把總官專在圖山駐劄不許擅

離信地

一鎮江府東西二馬頭皆濱大江逼近城郭乃
要地也指揮一員領有江操船隻分作二枝一
枝泊守焦山以護東津一枝泊守金山以護西
津仍各分番出哨北至瓜洲儀真以防江寇南
至圖山安港以防海賊仍聽把總官調度
一鎮江府原有土兵四百名丹徒縣民壯一百
九十九名丹陽縣八十名金壇縣一百名快手
四十九名軍餘八十二名丹徒等巡司弓兵四

十名機兵五十六名共一千六名管操指揮一員督同哨官千戶統領操練春汛之月分爲四枝一枝千戶一員領住太港一枝千戶一員領住埤城一枝千戶一員領住東津馬頭一枝百戶一員領住西津馬頭無事往來巡哨遇警聽候叅總調度勦殺

淮揚海防兵備道分布防汛信地

一三江會山係江都縣地方西到瓜洲鎮一百二十里東到周家橋四十里與江南圖山相對

中有順江洲江面頗窄水流湍急最爲險要此處能守瓜儀可保無虞留都無復軫慮近該操院題設把總官一員統領水兵六百名哨官二員哨長一名大小戰船二十隻常川防守其遊兵把總官統領兵船住劄一號港地方上接圖山十里下接三江會占十里泊守中流以便兩地協助防守江北有警互相飛報併力截勦仍要與江南及周家橋瓜儀各兵船彼此策應一沙河港係江都縣地方在府城東南八十里

西至瓜洲鎮二十里東至三江會口一百里與江心焦山寺相對往時原無設兵平時令瓜洲與三江會口兵船巡邏江洋有警合兵追勦一瓜洲鎮係江都縣地方南濱大江東到沙河港二十里西到花園港七里北到府城四十五里與江心金山寺相對建有甌城居民稠密賈輻輳江南糧運由此過壩設有總巡指揮一員部下揚州衛巡江官一員軍舍一百名巡船一隻操江民壯六十名巡船二隻守城驍勇二

百五十七名脚解行兵四百四名機兵五十五名巡檢司官兵五十三員名巡船一隻捕兵十六名叭喇呀船四隻捕兵一百十四名草撇船十隻無事防守地方出江會哨有警併力截勦仍要西與天寧洲河口花園港東與三江會口南與鎮江各兵船彼此應援仍聽江防同知官提調

一花園港係江都縣地方東到瓜洲鎮七里西到何家港十五里商民船隻頗多停泊設有揚

州衛把截官一員部下軍舍二十名巡船一隻似屬單弱近時設撥瓜洲操江軍舍四十名前去防戍平時防捕盜賊遇有警息東令瓜洲西令儀真兵船策應

一何家港係儀真縣地方東到花園港十五里西到舊江口十里若賊由鎮江衝來必趨本港則西入儀真東奔瓜洲北侵楊子橋等處原無設兵有警東令瓜洲西令儀真兵船應接一舊江口係儀真縣地方東到何家港十里西

到下江口十里與江心新洲相對原設舊江口巡司官兵六十一員名守把止可巡邏江沿探哨消息難於拒敵但下江口設有兵船甚近臨時聽守備官調兵應接

一下江口係儀真縣地方在縣南東到舊江口十里西到青山二十里與江心天寧洲相對其洲接連何家港為江洋要害設有守備部下水兵二百名領兵官三員大小戰巡船十七隻儀真衛巡江軍舍二百名官五員巡船十三隻上

至青山瓜埠下至瓜洲鎮江南與河口各共船
會合無事巡邏江洋會哨有警互相策應其儀
真縣募兵三十名巡船三隻分守下江口迤東
密港至何家港一帶近儀真衛縣官兵防守
東溝

一儀真城內有衛縣衙門東到瓜洲鎮四十里
西到應天府六合縣六十里東北到揚州七十
里南濱大江五壩貨財輳集漕運糧船由此過
關第一要害見有守備官駐守該衛護有守操

官舍官軍舍餘四百五十一員名有警行令衛
縣掌印巡捕城操等官嚴督軍舍民壯及添撥
居民防守城池聽軍門調兵接應仍將五壩居
民商賈財貨預搬入城以爲清野之計

一上江口係儀真縣地方在縣南東到下江口
約一里許原無設兵今議相去下江口不遠有
警令彼處兵船截勦

一青山嘴係儀真縣地方東到該縣下江口二
十里西到東溝二十里原有衛縣官兵及江防

遊兵把總兵船屯駐往來守禦與守備官兵互
相策應

一東溝係六合儀真二縣交界處所今議木處
正當黃天蕩大江之中險要尤甚議將該縣民
壯八十名分爲二班并募兵三十名巡船二隻
與儀真衛軍舍仍守東溝

常鎮叅將分布防汛信地

一倭寇過洋如遇南風多則犯浙直遇北風多
則犯閩廣中流風水不便則收馬蹟羊山候便

開船遇南風必由高家嘴而入犯七八九圍以
至竹箔沙寶山吳淞入內彼處設有總兵坐鎮
把總及中軍都司兵船犄角防守且劉河與吳
淞海面不遠兵船瞬息可至該總見有兵船分
爲五哨一哨泊守新匱一哨泊守黃窰一哨出
洋遠探二哨坐泊港內更番調遣哨守嚴密可
保無虞若由蛇山外洋而來必經三片高家沙
入內不犯三沙不犯江北或由山前營前沙出
登舟沙過西則至白茅過北則犯狼山或褚家

沙或西犯福山以至楊舍登舟沙實係福山白茅常鎮門戶其三片高家沙已該崇明把總兵船二哨泊守探三沙洪拋泊二哨以備堵截一哨輪發外洋遠哨三片沙亦係江北要路狼山襟喉議將彼處把總兵船一枝住泊與崇明把總兵船互相應援福山兵船一枝泊守營前沙與江北舊守山前沙兵船相為犄角白茅兵船泊守登舟沙以為營前應援以固入犯要路要舍逼近狼福乃由海入江門戶已該參將議將

本部兵船一枝泊守褚家沙哨至營前三沙洪東可固三片山前營前等沙入犯南可固吳淞劉河入犯亦便應援一枝泊守三文浦一枝泊守谷瀆港以備緩急與褚家沙兵船輪番哨守但自褚家沙而至楊舍以及江陰孟河一帶江面窄狹陰沙頗多船難行使若不遠出外洋哨探邀擊一遇入江縱使堵截勢難萬全未竟登岸入內之虞今江陰靖江孟河圖山兵船雖經派守信地俱應差撥遠哨不惟遇警得以應援

阻遏抑且臨事便於傳報設備矣

一楊舍迤西江陰縣北枕長江而黃田港切近縣治尤為要害今設練兵指揮一員操官三員統領陸兵一千餘員屯劄城內武生一名統領兵船一枝泊守本港可以控扼與靖江兵船相為犄角本處接連夏港着令義官兵船策應

一靖江孤懸江心尤為要害今設螳蜩港孤山套爛港一處兵船可以控扼與江陰兵船相為犄角孟河接界該地兵船互相應援

一賊由大江南突孟河尤為險要今設指揮一員兵船三十隻土兵六百名堪以控扼圖山兵船互相應援

一圖山洪係干要地乃鎮江之咽喉留都之門戶今設有把總兵船可以控扼與周家橋三江會口兵船相為犄角鎮江京口并瓜儀兵船互相策應

揚州叅將分布防汎信地

一青山嘴係儀真地方查得本處東到縣三十

已見淮
揚海防
道下

里西到東溝二十里原設儀真衛縣官兵巡船
在彼防守後操院添設重兵備禦有警與儀真
下江口舊江口兵船互相應援
一儀真城查得東到瓜洲四十里東北到揚州
府城七十里西到六合縣瓜埠鎮六十五里南
濱大江商賈雜集漕運所關誠為要地原設守
備都指揮一員駐劄在彼統領儀真衛縣城操
軍舍并民壯鄉兵防守若瓜洲揚州有警守備
俱要應援如彼處有警其揚州瓜洲之兵亦要

策應

一下江口在儀真縣南東到舊江口十里西到
青山嘴三十里與新洲相對接連何家港江面
險要原設儀真衛操江軍舍一百二十名巡船
一十七隻在彼防守聽守備官調度上與青山
瓜埠下與花園港瓜洲南與鎮江各兵船往來
會哨巡邏有警彼此應援
一舊江口在儀真縣東西到下江口十里東到
何家港二十里與新洲相對設有巡檢司官兵

巡船把守止可哨探但去下江口不遠不必設兵有警會下江口官兵策應

一何家港在儀真縣東二十里東到花園港十五里西到舊江口十里若倭寇自鎮江突來必由此處登岸西入該縣東奔瓜洲北侵揚子橋等處有警西令下江口東令瓜洲各兵船策應一都天廟即新城在儀真縣稍東偏北十五里一路入縣一路通何家港一路東到揚子橋誠為通衢先年原議漕兵五百名委官防守看

本處亦係腹裏且相離該縣不遠合昭舊將兵免調

一花園港係江都縣地方在瓜洲鎮西七里西到何家港十五里商民船隻停泊頗多亦為緊要原設揚州衛把截軍舍二十名巡檢十隻在彼防守近時議將瓜洲鎮操江軍舍內添四十二名共六十名委官百戶一員管領若遇有警西令儀真東令瓜洲兵船彼此策應一瓜洲鎮係江都縣地方南濱大江建有城垣

東到沙河港二十里西到花園港七里北到揚子橋二十里到府城四十五里與江心金山寺相對居民商賈輻輳之地江南運量由此過壩最為險要今添註揚州府同知一員駐劄統領原有民壯驍勇機兵等項八百餘名并揚州衛巡江軍舍巡檢司弓兵及巡哨船一十餘隻及草撇船一十隻捕兵一百一十四名塔喇喇船四隻捕兵一十六名在彼防禦有警調兵策應

一沙河港係江都縣地方在府城東南一十八

里與江心焦山斜對東到三江會口一百里在年原未設兵有警行令瓜洲三江口兵船應援

一新港即三江口係江都縣地方西到瓜洲鎮一百二十里東到周家橋四十里與江南圖山相對中有順江洲江面稍狹水流至急此處能守瓜儀可保乃為留都門戶近該操院題設把總一員統領水兵六百名沙船二十隻把守若遇有警與周家橋官兵互相應援

遊兵把總分布防汛信地

水路南岸圖山北岸三江會口乃江防第一重門戶江面頗狹甚為要害今皆設有兵船南北夾守控扼堵遏深為得策如圖山有警則把總官兵屯守此處而三江會口把總應為應兵三江會口有警則把總官兵屯守本處而圖山把總應為應兵遊兵把總督領兵船住紮一字港上接圖山十里下接三江會口十里泊守中流以便兩便協助次而鎮江瓜洲則是第二重門戶應接中軍官一員督領部下健勇義勇弓兵

船隻繫泊南岸各屯宿重兵與瓜洲江防官兵船相應防守又次而儀真相對天寧洲為第三重門戶應令中軍官一員督領部下義勇健勇弓兵船隻繫泊天寧洲稍西各屯宿重兵與儀真相守備兵船相應防守如南岸有警則令瓜洲與三江會口各兵船協助北岸有警則令鎮江江操指揮與圖山各兵船協助若警跡重大則令遊兵把總不分南北上下往來應援萬一倭寇侵犯及江盜結夥即與圖山三江會口把總

儀真守備各會合同心戮力堵遏

儀真守備分布防汛信地

自瓜洲與鎮江相對中流金山高險乃儀真江界門戶可以設兵瞭望江中亦有新洲夾江南即高資巡司直抵河口北自花園港沂達何家港舊江口巡司最為要害此處當宿其控扼令哨官百戶一員率領沙船二隻沙兵四十名哨探堵遏以作前鋒差撥梭船遠出外洋接續哨報飛報其瓜洲鎮江兩路兵船互為犄角夾

攻之勢花園港舊江口高資巡司兵船以備奇伏策應至於儀真江口內逼城廓開壩漕渠外沿青山南對河口中即新洲首亦係險要堪設正兵應敵合令哨總指揮一員統部巡船一隻沙船四隻梭船二隻者兵一百四名居中駐劄防守屯禦如青山東溝守把瓜埠巡司三隘南與龍潭黃天蕩江面斜峙則有重洲疊江多港雖云腹裏尤係險洋逼近觀音門誠謂南畿肘掖之所合令哨官百戶一員率領沙船二隻者

兵四十名上下遊巡以爲後援南北巡司守把
兵船夾攻策應仍照往年規則行令遊兵把總
兵船協巡防守守備官不分晝夜上下江面往
來巡檄隨賊向往截殺

鎮江府巡捕通判分布防汛信地

本府所轄沿江一帶地方上至高資鎮下至孟
河堡本府東西二馬頭南通吳越北枕大江誠
爲要地見有鎮江衛江操指揮一員千戶一員
百戶二員統鎮江操巡船五隻軍餘一百二十

三名分作二枝一枝泊守焦山以護東津一枝
泊守金山以護西津仍各分番出哨上至瓜儀
下至圖山安港等處有警飛報沿江官兵堵截
又看得圖山洪口爲鎮江之咽喉留都之門戶
誠要害之所兼以江洋空闊波浪汹涌盜賊出
沒之鄉形勢甚險尤當戒嚴卽今南有圖山把
總兵船一枝北有三江會口把總兵船一枝互
相對峙防守圖山總福鐵沙巡等船共二十二
隻兵夫三百名原分三哨各前哨百戶一枝當

爲正兵統領原撥福鐵獎船七隻捕者兵夫九十二名泊守安港仍哨至黃山門與孟河兵船互爲策應中哨千戶爲策應兵統領撥福鐵榮等船七隻捕者兵夫九十二名泊守圖山洪仍哨至安港與江北周家橋兵船互爲策應後哨千戶一員統領原撥沙戶船隻兵夫九十九名上至瓜儀下至江陰楊舍等處往來遊哨其江北三江會口順江洲等處與黃山門孟河京口兵船互爲策應如遇有警或賊從江南而入則

圖山把總爲正兵三江會口把總爲奇兵賊從江北而入則三江會口把總爲正兵圖山把總爲奇兵互爲犄角之勢又其中遊兵把總兵船駐劄一字港兩地協應水路分布已定陸路亦當備禦看得圖山要路內通埤城外通戴港東至孟河南達丹陽西接府城及東西馬頭俱係要害本府設有練兵指揮一員統領陸兵七百八十九名分爲四枝一枝令千戶一員住守戴港一枝令千戶一員住守埤城一枝千戶一員



任守東津馬頭一枝百戶二員任守西津馬頭
無事合管入場操練仍往來巡哨有警賊從孟
河至埤城則埤城千戶為正兵而戴港為應兵
賊由戴港登岸則戴港千戶為正兵而埤城千
戶分兵應援東津千戶即率兵截殺當為伏兵
緣府城坐枕江干雖有江操指揮一員統領兵
船二枝金焦防護倘寇倉卒登岸將何禦之合
行鎮江衛練兵指揮及百戶等官統領陸兵并
選精壯機兵五十名各發城外協同把截西津

馬頭江操百戶軍餘一百一十六名往來府城
沿江一帶巡哨防禦四門兩關則撥鎮江衛城
操巡捕巡鹽軍舍餘丁盡數查出分布把截

不生洲地方添設把總信地


後改參將

召募官兵一千六員名僱覓沙船四十隻分為
四哨以二哨上巡盪網洲孟河一帶與周家橋
三江圖山瓜儀營會哨以二哨下巡新河口下
港靖江印庄劉家沙等處與大河狼山營會哨
遇賊奮力協擒遇倭併力截殺聽南北撫操按




太湖沿邊設備之圖

吳江縣界自西而東





自此接湖州府烏程縣胡漫


此水大通舟不堰



此水大通舟不堰

此水大通舟不堰





此處鹽盜出沒無常

非溪 此港大通舟不堰 此水洩營隘南麻諸湖之水入太湖

茅柴港 此水通舟不堰

直瀆 此水通舟不堰

方港 此水通舟不堰


壩關口 此水通舟不堰

西兒字港 此水通舟不堰

西瀆奇港 此水通舟不堰

東瀆奇港 此水通舟不堰

吳家涇 此水通舟不堰



簡村險要

簡村巡司

創港

雲落港 此水通舟不堰

宋家港

甘泉港

張其港

葉家港

西宋家港


東宋家港

打鐵港


百漣亭港

破車港

白浦



循湖塘折而北




循湖塘又折而西

此後皆石塘


自此折而東北

吳江與吳縣分界

自此又折而西



石湖險要




此處險要



此處險要


此處係入大湖險要




吳縣與無錫分界

武備志卷三十三 占度載 度 江防四


武備志卷三百二十一 度江防四




武備志卷三百二十一



武進縣志卷三 五十一 古蹟 度 江陽四




武進縣志卷三 五十二




六


武進宜與分界
自此又折而西



武進宜與分界
自此又折而西




武備志卷三百一十一 占兵職 度 江以西





江


武備志卷三百一十二




大浦



式前志卷二 十一 古度載 度 江防四



十四




沙塘巷

中蠡河


宜興與浙江湖州府長興縣分界

自此又折而東南



長興與烏程分界

自此湖塘又折而東



此處險要

武備志卷之三十一 占度載 度 江防四

十五



自此接吳江
縣牛家港

此處險要



此論鑿
鑿發占
人所未
發可永
爲大湖
之長策

湖防論

鄭若曾曰太湖古震澤也延袤五百餘里雄跨蘇常湖三境自宣歙以東富陽以北諸溪山之水咸吐納焉全吳巨浸無天於此論水利則三郡田賦豐歉係焉論兵防則三郡封疆安危係焉全吳利害亦無大於此向來論經略者多未之及此無他圖志弗詳阨塞無考故也曾也遍閱史志及訪耆艾太湖圖古所未有王文恪公始作之曾覓而觀之僅可以供賞鑒考勝槩而已而險要防守皆弗

之載豈非古今一大曠典耶乃操小艇歷五湖越半載始有所得凡港瀆通塞之迹古今同異之名何者爲水利之所關何者爲兵防之所要悉詳識之而繪爲一圖繪全湖之圖者昭形勝也繪沿湖之圖者詳區畫也庶司兵者得有所據以便規畫矣或曰東西洞庭及濱湖諸山古來兵燹莫反奚必議守禦而圖之曰自古太兵之下江南也或從京口或從三壩志在城郭則山林必在所遺若倭寇則不然志在擄掠棄無就有今腹內諸村鎮搜

刮已盡其志必在未經兵燹之處則沿湖諸邑非
 所當防者況自宜興至金陵爲道甚捷皆今日
 兵議所未及也其可不思先事之防乎或又曰湖
 中風波與江河異若之何其禦之曰此非漁網船
 不可也何也江船與海船不同海船與內河之船
 不同內河之船與湖洲船又不同內河之船大者
 爲川爲襄小者爲滿江洪爲擺渡之類海船十餘
 種廣東新會船莞莞船太福船草撇船海滄船開
 浪船高把船稍船鱗船蒼山船八槳船鷹船漁
 船蜈蚣船兩頭船曾各圖形於籌海圖編可覽而知
 船網梭船沙船

若湖洲之船雖生長吳地者問之多不知况以宜
 游之人而知用之乎請詳言之夫湖洲之船大小
 不齊運石者謂之山船運貨者謂之礮船民家自
 出入者謂之塘船衛所巡司所用者謂之巡船鄉
 夫水兵所駕者謂之哨船往來津口者謂之渡船
 之六者雖皆習知湖中風濤之性尤未若漁船之
 便利也漁船莫大於帆密其桅或六道可裝二千石或
 五道可裝一千石或四道可裝五百石無間寒暑晝夜在湖
 每二隻合爲一舍素爲賊之所畏雖蓄貨鉅萬賊

不敢近也聯而鯨之太湖攻戰此其最善乎此船
 小者亦可入港桅三道可裝五百石二道可裝百石是也
 江湖中皆有之若風息時無問大小皆不適用蓋
 帆密之所利者狂風怒濤也其尾無櫓其傍無槳
 風息帆弛即不如巡哨船之擊楫為有用矣其次
 為邊江船大者可裝二千石以上自五桅以至二桅
 亦專使帆無櫓與槳其中號以下者可入港最大
 者不可入港若欲出揚子江則由錫山高橋下江
 水寬處行然須重載壓船喫水方可過高橋也其

次為廠稍船大者可裝六七百石又其次為小鮮
 船即湖中航船是也大者不滿百石其小可知
 二者皆有帆而有櫓邊
 江廠稍商賈貨之遠遊荆襄近往江北小鮮船亦
 為通販之用皆湖中之漁舟而兼事乾沒者也又
 其次為剪網船亦合二隻船雖狹小第一迅駛又
 其次為絲網船為一舍駕使不過三人而風帆之駛人亦
 堪用此二者各湖所共有也又其最小者為剗船
 三四人盪槳如飛疾於剪網但不用風帆不利湖
 浪用之以探報諸舟所不及矣其遇風也以槳超

淖泥潑賊舟舟滑難立大為賊之所憚此船惟吳
 江長洲有之他縣皆無而吳江之二十九都者慣
 一行劫至為可惡凡此皆漁船之可用者也其他
 湖泖內港漁船尚有輒網一人坐於船首趕網一人
者逐網於船頭者是單網秋冬單魚夏月則江網
立木於吳淞江鮎魚山水中之類兩相時其人登架其船下泊是也
安坐滄岸六者皆遲鈍不適於用所適用者惟
起網者是鷓鴣船一名木老鴉出於吳江長洲二縣其駕
櫓一槳或二槳使不過二三人其駛埒於剪網善用之大為軍旅

之助或又曰過湖港口無慮百數焉得港港而備
 乏曰不然湖占雖多通舟往來者不過如吳江之
 非溪葉港雪落洪珊關鮎魚口吳縣之莫舍淩胥
 口港無錫之獨山蒲嶺吳塘門武進之馬蹟山宜
 興之荆溪東蠡河忻溪直瀆之類可指而數也各
 練鄉兵守之而以巡哨船為之探報帆罟邊江等
 船常居深水賊豈能入湖也哉然大小漁船未經
 刷集一旦用之欲望其出死力不能也須平時籍
 之於官蠲其重役專委一廉仁有司點閱之則庶

